



U P U T S T V O
o žrijebanju političkih subjekata za mjesto u biračkom odboru za Lokalne izbore u Bosni i Hercegovini 2024. godine

Sarajevo, maj 2024. godine

Na osnovu člana 2.9 stav (1) tačka 2., člana 2.19 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20, 38/22, 51/22, 67/22 i 24/24), Centralna izborna komisija Bosne i Hercegovine je na 20. sjednici, održanoj 03.05.2024. godine, donijela

U P U T S T V O

o žrijebanju političkih subjekata za mjesto u biračkom odboru za Lokalne izbore u Bosni i Hercegovini 2024. godine

Član 1.

(Primjena-član 2.19 Izbornog zakona BiH)

Uputstvom o žrijebanju političkih subjekata za mjesto u biračkom odboru za Lokalne izbore u Bosni i Hercegovini 2024. godine (*u daljem tekstu: Uputstvo*) se utvrđuje postupak žrijebanja dodjele pozicija u biračkim mjestima u kojem učestvuju politički subjekti koji su direktno izabrani u tijelima jedinica lokalne samouprave iz te relevantne osnovne izborne jedinice u prethodnom izbornom ciklusu (član 2.19 stav (7) Izbornog zakona BiH).

Član 2.

(Žrijebanje političkih subjekata i dodjela pozicija u biračkim odborima)

(1) U biračkim odborima zastupljeni su predstavnici političkih subjekata koji su direktno izabrani u tijela jedinica lokalne samouprave u kojoj se imenuju birački odbori, a u skladu sa članom 2.19 stav (7) Izbornog zakona BiH.

(2) Centralna izborna komisija BiH dostavlja svim izbornim komisijama listu političkih subjekata koji su ovjereni za učešće na izborima u tim izbornim jedinicama i listu političkih subjekata koji su zastupljeni u direktno izabranim tijelima jedinica lokalne samouprave iz te relevantne osnovne izborne jedinice u prethodnom izbornom ciklusu u skladu sa Odlukom o potvrđivanju i objavljivanju rezultata izbora donesenih od strane Centralne izborne komisije BiH.

(3) U istom biračkom odboru na istom biračkom mjestu politički subjekt može imati samo jednog člana biračkog odbora i samo jednog zamjenika člana biračkog odbora.

(4) Izborna komisija osnovne izborne jedinice (u daljnjem tekstu: izborna komisija) obavezna je blagovremeno uputiti poziv svim političkim subjektima iz stava (2) ovog člana, da prisustvuju postupku žrijebanja političkih subjekata i dodjeli mjesta u biračkom odboru, koje će obaviti izborna komisija osnovne izborne jedinice u roku od 7 dana, od dana dobivanja liste iz stava (2) ovog člana, a najkasnije 60 dana prije dana održavanja izbora. Političkom subjektu koji nije bio prisutan postupku žrijebanja i dodjele mjesta u biračkom odboru izborna komisija dužna je odmah dostaviti rezultate po okončanom postupku.

- (5) Izborna komisija je obavezna obezbjediti audio i video nadzor kojim će biti zabilježen cijeli postupak žrijebanja i dodjele pozicija u biračkim odborima.
- (6) Izborna komisija je obavezna da žrijeb političkih subjekata iz stava (2) ovog člana obavi na način da:
- ispiše na papiriće nazive političkih subjekata,
 - papiriće iz tačke a) ovog stava stavi u neprozirne kutijice,
 - kutijice iz tačke b) ovog stava stavi u veću providnu posudu,
 - jedan član izborne komisije će promješati sve kutijice i izvlačiti iz posude jednu po jednu kutijicu, otvarati je i sa papirića čitati naziv političkog subjekta,
 - drugi član izborne komisije će u kreiranu tabelu upisivati nazive političkih subjekata koje pročita član izborne komisije iz tačke d) ovog stava,
 - član izborne komisije radnju iz tačke e) ovog stava može raditi elektronski putem računara i video projektora ili ručno na odštampanoj tabeli nalijepljenoj na zidu kako bi bila vidljiva svima,
 - postupak iz tačke d) i e) ovog stava se ponavlja dok se ne izvuku sve kutijice sa nazivima političkih subjekata i dok se ne utvrdi redosljed svih političkih subjekata,
- (7) Nakon izvršenog postupka žrijebanja iz stava (6) ovog člana izborna komisija kreira tabelu u koju će izvršiti dodjelu pozicija političkim subjektima u biračkim odborima. Izgled tabele je sastavni dio ovog stava.

BM	Broj članova BO	Dodjela mjesta u biračkom odboru			

Izgled Tabele. – Pregled dodjele mjesta u biračkim odborima

- (8) Izborna komisija će u tabeli iz stava (7) ovog člana u prvoj koloni upisati brojeve svih biračkih mjesta, od broja 001 do zadnjeg redovnog biračkog mjesta, nakon čega će u nastavku upisati broj biračkog mjesta za glasanje u odsustvu. U drugoj koloni će izborna komisija upisati za svako biračko mjesto koliko članova biračkog odbora ima, za biračka mjesta do 350 birača upisat će broj dva, a za biračka mjesta od 350 i preko birača upisat će broj četiri.
- (9) Nakon izvršenih pripremnih radnji iz stava (7) i (8) ovog člana izborna komisija pristupa postupku dodjele pozicija političkim subjektima iz stava (6) tačka g) ovog člana na način da:
- prvi politički subjekt iz tabele dodjeli prvom biračkom mjestu na prvo mjesto u tabeli iz stava (7) ovog člana,
 - drugi politički subjekt dodjeli na drugo mjesto istog tog biračkog mjesta,
 - ovom procedurom dodjeljuju političke subjekte prvom biračkom mjestu dok ne popune sve pozicije u tom biračkom mjestu,
 - kada se popune mjesta u prvom biračkom mjestu dodjeljuju se politički subjektima narednom biračkom mjestu,
 - postupak dodjele iz od tačke a) do tačke d) se provodi dok se ne iscrpe svi politički

- subjekti iz tabele,
- f) ukoliko je ostalo još pozicija u biračkim odborima izborna komisija ponovo počinje dodjelu od prvog političkog subjekta iz tabele i nastavlja ponovo dodjeljivati političke subjekte iz tabele,
 - g) procedura u tačkama e) i f) se ponavlja sve dok se ne popune sva mjesta u biračkim odborima.
- (10) Izborna komisija, nakon završenog postupka dodjele mjesta u biračkim odborima, svim prisutnim predstavnicima političkih subjekata osigurava uzorak popunjene Tabele – Pregled konačne dodjele mjesta u biračkim odborima iz stava (7) ovog člana, kao i izvještaj koliko su politički subjekti sa liste ovjerenih političkih subjekata za osnovnu izbornu jedinicu, pojedinačno dobili mjesta u biračkim odborima. Navedeni izvještaj, kao prilog Pregledu konačne dodjele mjesta u biračkim odborima, izborna komisija dostavlja i političkim subjektima čiji predstavnici nisu prisustvovali postupku javne dodjele mjesta u biračkim odborima.

Član 3. **(Dostava prijedloga)**

- (1) Prijedlog za članove biračkih odbora politički subjekti podnose u skladu s odredbom člana 2.19 stav (11) Izbornog zakona BiH i odredbama ovog Uputstva, vodeći računa da predloženi kandidati budu upisani u izvod iz Centralnog biračkog spiska za to biračko mjesto i da su fizički sposobni za obavljanje poslova u biračkom odboru.
- (2) Politički subjekti obavezni su, prilikom dostavljanja prijedloga za članove biračkih odbora, izornoj komisiji dostaviti obrasce SG-1 – izjava predloženog člana biračkog odbora/mobilnog tima, svojeručno potpisane od predloženih kandidata za članove biračkih odbora i ovjerene pečatom i potpisom ovlaštenog lica političkog subjekta. *Obrazac SG-1 je sastavni dio ovog Uputstva.*
- (3) Ovlašteno lice iz stava (2) ovog člana je lice koje je ovlastio politički subjekt za zastupanje kod Centralne izborne komisije BiH i to lice može ovlastiti jedno ili više lica u svakoj osnovnoj izornoj jedinici, u kojoj imaju pravo dostavljati prijedloge za članove biračkih odbora, za potpisivanje SG-1 obrasca. Akt ovlaštenja lica politički subjekt je obavezan dostaviti izornoj komisiji najkasnije sa danom predaje prijedloga za članove biračkog odbora.
- (4) Obrazac SG-1 iz stava (2) ovog člana politički subjekt može ovjeriti i pečatom općinskog odbora. Nezavisni kandidat ne ovjerava obrasce SG-1 pečatom.
- (5) Politički subjekt će, ako to izborna komisija zatraži, dostaviti dokaze o kvalifikaciji i ispunjavanju uvjeta predloženih kandidata za članove biračkih odbora, odnosno mobilnih timova.
- (6) Ako politički subjekt ne dostavi imena kandidata za članove biračkog odbora u roku propisanom u članu 2.19 stav (11) Izbornog zakona BiH, to će se smatrati odustajanjem od dodijeljenog mjesta u biračkom odboru, ili ako je broj kandidata za članove biračkog odbora predloženih od ovjerene političke stranke manji od broja članova biračkog odbora, izborna komisija samostalno će imenovati članove biračkog odbora.

- (7) Prilikom imenovanja biračkih odbora izborna komisija će voditi računa o multietničkom sastavu biračkog odbora gdje je to moguće, kao i zastupljenosti spolova.
- (8) Ako politički subjekt ne dostavi obrazac iz stava (2), odnosno podatke iz stava (5) ovog člana, izborna komisija takav prijedlog za imenovanje člana biračkog odbora/mobilnog tima neće razmatrati.

Član 4.
(Imenovanje članova biračkog odbora)

- (1) Nakon završenog perioda za dostavljanje prijedloga političkih subjekata izborna komisija pristupa provjeri svih predloženih kandidata, i to da li su naveli da imaju najmanje srednju stručnu spremu, i da li su upisani u Centralni birački spisak za tu osnovnu izbornu jedinicu. Izborna komisija poslije izvršene provjere kandidata iste imenuje za članove biračkog odbora u biračke odbore na biračkim mjestima gdje je politički subjekt osvojio pozicije u dodjeli pozicija. Izborna komisija će u birački odbor imenovati članove biračkog odbora iz reda predloženih kandidata od strane političkog subjekta na način da će na prvo biračko mjesto koje je dobio politički subjekt, imenovati člana i njegovog zamjenika iz tog političkog subjekta. Ovim postupkom će izborna komisija imenovati sve članove i sve zamjenike članova tog političkog subjekta. Kada izborna komisija imenuje sve predložene kandidate političkog subjekta, a ostane još biračkih mjesta na koja se trebaju imenovati kandidati tog političkog subjekta, jer je taj politički subjekt osvojio te pozicije u postupku dodjele pozicija, izborna komisija će na upražnjena mjesta imenovati članove biračkog odbora i njegovog zamjenika sa rezervne liste. Prilikom imenovanja članova i zamjenika članova biračkih odbora izborna komisija vodit će računa o izrečenim sankcijama zabrane angažovanja za rad na biračkom mjestu.
- (2) Prilikom imenovanja članova biračkih odbora iz stava (1) ovog člana izborna komisija će prednost dati kandidatima koji posjeduju viši stepen stručne spremlje i iskustvo u administrativnim poslovima.
- (3) Izborne komisije obavezne su akt o imenovanju članova biračkih odbora objaviti na oglasnoj ploči ili na drugi pogodan način radi uvida javnosti. Pored navedenog, izborna komisija je dužna na vidnom dijelu biračkog mjesta izložiti izvod iz akta o imenovanju članova biračkih odbora za to biračko mjesto. Pored izvoda iz akta o imenovanju članova biračkih odbora izborna komisija će izložiti i izvod o imenovanju predsjednika biračkog odbora i njegovog zamjenika.
- (4) Izborne komisije obavezne su političkim subjektima dostaviti akt o imenovanju članova biračkih odbora. Ovaj akt treba sadržavati: ime i prezime članova biračkih odbora i njihovih zamjenika, spol, naziv političkog subjekta na čiji prijedlog su imenovani, broj i lokaciju biračkog mjesta, obrazloženje na koji način je izvršeno imenovanje i pouku o pravnom lijeku. Akt o imenovanju članova biračkih odbora izborne komisije, na zahtjev, dostavljaju i Centralnoj izbornoj komisiji BiH.
- (5) Izborna komisija, pored imenovanja članova biračkih odbora, obavezna je sačiniti i rezervnu listu određenog broja kvalifikovanih lica, po kojoj će ta lica moći imenovati

za članove/zamjenike članova biračkih odbora na biračkim mjestima ili u timove za otvaranje vreća i brojanje glasačkih listića u cilju pravilnog objedinjavanja izbornih rezultata iz člana 5. stav (1) tačka c) ovog Uputstva u slučaju da članovi ili zamjenici koji su već imenovani odustanu od učešća u radu biračkog odbora. Obrazac SG-3-izjava predloženog lica sa rezervnog spiska za člana biračkog odbora/mobilnog tima/tima za otvaranje vreća i brojanje glasačkih listića u cilju pravilnog objedinjavanja izbornih rezultata je sastavni dio ovog Uputstva.

(6) Nakon što od Centralne izborne komisije BiH dobije rješenja o imenovanju predsjednika biračkih odbora i njihovih zamjenika, kao i njihove kontakt podatke, izborna komisija će za predsjednike pripremiti kontakt podatke za sve članove biračkog odbora za svako biračko mjesto.

Član 5.
(Imenovanje posebnih timova
nakon utvrđenih izbornih rezultata na biračkom mjestu)

(1) Ukoliko Centralna izborna komisija BiH, na zahtjev izborne komisije, donese odluku da se za određeno biračko mjesto izvrši brojanje glasačkih listića u cilju objedinjavanja utvrđenih rezultata glasanja, za jedan ili više izbornih nivoa za koje se provode izbori, izborna komisija će posebnom odlukom imenovati tim za otvaranje vreća i brojanje glasačkih listića koji može biti sastavljen od:

- a) predsjednika i članova istog biračkog odbora koji je radio na biračkom mjestu za koje se vrši brojanje glasačkih listića u cilju objedinjavanja utvrđenih rezultata glasanja, ukoliko izborna komisija utvrdi da je do nepravilnosti u brojanju došlo bez namjere da se utvrđeni rezultati glasanja lažno prikažu ili
- b) predsjednika i članova biračkog odbora koji su radili na drugim biračkim mjestima na kojima je brojanje glasačkih listića i utvrđivanje rezultata glasanja obavljeno bez nepravilnosti, pridržavajući se pritom zastupljenosti političkih subjekata kojima su pripale pozicije na biračkom mjestu za koje se vrši brojanje glasačkih listića u cilju objedinjavanja utvrđenih rezultata glasanja ili
- c) kvalifikovanih lica sa rezervnog spiska iz člana 4. stav (5) ovog Uputstva. Timove za brojanje izborna komisija angažira ukoliko nije u mogućnosti angažirati biračke odbore iz tačke a) ili tačke b) ovog člana.

(2) Članovi tima iz stava (1) ovog člana, imaju pravo na dodatnu naknadu za svoj rad, a koja ne može biti manja od naknade utvrđene za zamjenike članova biračkih odbora koji nisu bili angažirani na biračkom mjestu do zatvaranja biračkog mjesta.

Član 6.
(Obrasci)

Sastavni dio ovog Pravilnika su:

- a) Obrazac SG-1 i
- b) Obrazac SG-3.

Član 7.
(Stupanje na snagu i objava)

Ovo Uputstvo stupa na snagu danom donošenja, a objavit će se u “Službenom glasniku BiH”, “Službenim novinama FBiH”, “Službenom glasniku RS”, “Službenom glasniku Brčko distrikta BiH” i na internet-stranici Centralne izborne komisije BiH www.izbori.ba.

Broj:05-1-02-2-597-1/24
Sarajevo, 03.05.2024. godine



Predsjednica
Dr. Sena Hadžić

Na osnovu člana 2.2, 2.3 i 2.19 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20, 38/22, 51/22, 67/22 i 24/24), člana 3. stav (2) Uputstva o žrijebanju političkih subjekata za mjesto u biračkom odboru za Lokalne izbore u Bosni i Hercegovini 2024. godine, broj: 05-1-02-2-597-1/24 od 03.05.2024. godine i člana 173. Zakona o upravnom postupku ("Službeni glasnik BiH", br. 29/02, 12/04, 88/07, 93/09, 41/13 i 53/16), pod punom materijalnom i krivičnom odgovornošću predloženi član biračkog odbora, odnosno mobilnog tima, daje

IZJAVU

OSNOVNA IZBORNA JEDINICA	
Naziv političkog subjekta koji dostavlja prijedlog	
Ime i prezime predloženog člana biračkog odbora/mobilnog tima	
Stručna sprema predloženog člana biračkog odbora/mobilnog tima	
Zanimanje predloženog člana biračkog odbora/mobilnog tima	
JMB i broj lične karte predloženog člana biračkog odbora/mobilnog tima	
Tačna adresa stanovanja predloženog člana biračkog odbora/mobilnog tima	
Broj telefona predloženog člana biračkog odbora/mobilnog tima	

Ja, _____, izjavljujem, kao lice koje je predloženo za člana (Ime i prezime predloženog člana biračkog odbora/mobilnog tima) biračkog odbora, odnosno mobilnog tima, da nemam smetnji iz člana 2.3 stav (1) Izbornog zakona BiH, da su svi podaci koji su navedeni u ovom obrascu tačni, da sam saglasan da na prijedlog navedenog političkog subjekta budem predložen za člana biračkog odbora, odnosno mobilnog tima, na izborima koji će biti održani dana _____, da sam saglasan da prisustvujem obaveznoj obuci i provjeri znanja o načinu glasanja i brojanja glasova koju organizuje izborna komisija, a u skladu s Planom i programom edukacije koji donosi Centralna izborna komisija BiH i Pravilnikom o postupku imenovanja i razrješenja biračkih odbora za Lokalne izbore u Bosni i Hercegovini 2024. godine.

Nakon dobijanja sertifikata obavezujem se da ću kao član biračkog odbora biti prisutan tokom cijelog procesa glasanja, uključujući utvrđivanje rezultata glasanja, odnosno kao član mobilnog tima biti prisutan tokom cijelog procesa glasanja i utvrđivanja broja koverti.

Datum: _____

(Potpis predloženog člana biračkog odbora koji odgovara potpisu na identifikacionom dokumentu)

M.P. _____
(Potpis ovlaštenog lica političkog subjekta)

OBRAZAC
: SG-1

Na osnovu člana 2.2, 2.3 i 2.19 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), člana 4. stav (5) Uputstva o žrijebanju političkih subjekata za mjesto u biračkom odboru za Lokalne izbore u Bosni i Hercegovini 2024. godine, broj: 05-1-02-2-597-1/24 od 03.05.2024.godine i člana 173. Zakona o upravnom postupku ("Službeni glasnik BiH", br. 29/02, 12/04, 88/07, 93/09, 41/13 i 53/16), pod punom materijalnom i krivičnom odgovornošću, predloženo lice daje

IZJAVU

Izborna komisija osnovne izborne jedinice koja predlaže lice sa rezervne liste za člana biračkog odbora/mobilnog tima/tima za otvaranje vreća i brojanje glasačkih listića u cilju pravilnog objedinjavanja izbornih rezultata

Za biračko mjesto: _____

Ime i prezime predloženog lica	
Stručna sprema predloženog lica	
Zanimanje predloženog lica	
JMB i broj lične karte predloženog lica	
Tačna adresa stanovanja predloženog lica	
Broj telefona predloženog lica	

Ja, _____, izjavljujem, kao kvalifikovano lice koje je predloženo za člana biračkog odbora, odnosno mobilnog tima/tima za otvaranje vreća i brojanje glasačkih listića, da nemam smetnji iz člana 2.3 stav (1) Izbornog zakona BiH, da su svi podaci koji su navedeni u ovom obrascu tačni, da sam saglasan da na prijedlog izborne komisije _____ budem član biračkog odbora, odnosno mobilnog tima, odnosno tima za otvaranje vreća i brojanje glasačkih listića na izborima koji će biti održani dana _____, da sam saglasan da prisustvujem obaveznoj obuci i provjeri znanja o načinu glasanja i brojanja glasova koju organizuje izborna komisija, a u skladu s Planom i programom edukacije koji donosi Centralna izborna komisija BiH i Pravilnikom o postupku imenovanja i razrješenja biračkih odbora za Lokalne izbore u Bosni i Hercegovini 2024. godine.

Nakon dobijanja sertifikata, obavezujem se da ću kao član biračkog odbora biti prisutan tokom cijelog procesa glasanja, uključujući utvrđivanje rezultata glasanja, odnosno kao član mobilnog tima biti prisutan tokom cijelog procesa glasanja i brojanja, odnosno kao član tima za otvaranje vreća i brojanje glasačkih listića biti prisutan tokom brojanja glasačkih listića i utvrđivanja rezultata glasanja.

Datum: _____

Potpis predloženog lica koji odgovara potpisu na identifikacionom dokumentu)

M.P

(Potpis predsjednika izborne komisije osnovne izborne jedinice)

OBRAZAC: SG-3